

**ԴԱՆԻՆԸ ՎԱՐՈՒԺԱՆԻ ԲԱՆԱՍՏԵՂԾՈՒԹՅՈՒՆՆԵՐԻ ԱՌԱՋԻՆ
ԱՆՏԻՊ ԺՈՂՈՎԱԾՈՒՆ**

Ե. Մ. ՊԵՏՐՈՍՅԱՆ

Բանասիրական գիտությունների դոկտոր

Դանիել Վարուժանի ստեղծագործության մասին հարուստ գրականություն է ստեղծվել: Դեռևս հեղինակի կենդանության օրոք հրապարակվեցին Ա. Չոպանյանի, Ա. Հարությունյանի, Մարգարի հիանալի գրախոսությունները: Հետագայում, բանաստեղծի եղեռական մահից հետո, թե՛ սփյուռքում և թե՛ Հայաստանում տպագրվեցին գրքեր և բաղմաթիվ հոդվածներ: 1919 թ. Կ. Պոլսում լույս տեսավ Լ. էսաճանյանի «Դանիել Վարուժան» գիրքը, 1940 թ. Բուխարեստում՝ Վարուժանի մտերիմ ընկեր Հ. Սիրունու «Դանիել Վարուժան» ուղագրավ մենագրությունը, վեց տարի անց, մեզ մոտ՝ Գր. Սարգսյանի «Վարուժանի ստեղծագործական կյանքը» բրոշյուրը, ավելի ուշ՝ 1961 թ. հրապարակվեցին Հ. Ղանալանյանի և Հ. Ռշտունու մենագրությունները, այնուհետև՝ Ստ. Թոփչյանի Վարուժանի ստեղծագործություններին նվիրված հոդվածաշարքը: Բանաստեղծի նկատմամբ այս բուռն և շարունակ հետաքրքրությունը, անշուշտ, պետք է վերագրել նրա ստեղծագործությունների գաղափարական հարստությանը, այնտեղ արծարծված հարցերի կենսականորեն կարևոր, համազգային բնույթին և արտացոլման ինքնատիպ, բարձր արվեստին: Հիշատակված գրականագետները քննության են առել Վարուժանի կամ բանաստեղծությունների առանձին ժողովածուները (Ա. Չոպանյան, Ա. Հարությունյան, Մարգար, Հ. Օշական) և կամ ողջ ստեղծագործությունը (Լ. էսաճանյան, Հ. Սիրունի, Հ. Ղանալանյան, Հ. Ռշտունի, Ստ. Թոփչյան): Եվ ինչպես պետք էր սպասել, նրանք բոլորն էլ սկսել են բանաստեղծի առաջին տպագիր գրքից՝ «Մարսուռներից»: Վարուժանի արխիվի բացակայության պատճառով առ այսօր մեր գրականագետների տեսադաշտից դուրս են մնացել նրա նախասարսուռյան շրջանի ստեղծագործությունները:

1963 թ. Ե. Չարենցի անվան գրականության և արվեստի թանգարանը Նյու-Յորքից, բանաստեղծի հարազատներից ստացավ նրա հարուստ արխիվը, որտեղ խնամքով պահպանվել են Վարուժանի բանաստեղծական առաջին թոթովանքները, քերթվածների սևագրությունները, մաքրագիր օրինակները, մշակումները: Այս ամենը նոր լույս է սփռում Վարուժանի մեզ անծանոթ ստեղծագործական աշխարհին, բացահայտում բանաստեղծի վաղ շրջանի խոհերն ու հակումները:

Դ. Վարուժանի 1901—1904 թթ. գրած գրեթե բոլոր բանաստեղծությունները թվակիր են, իսկ 1909 թ. հրատարակած «Ցեղին սիրտը» գրքում գետեղված քերթվածների մեծ մասի ոչ միայն տարին, այլև գրելու օրն էլ է նշված: Մեծատաղանդ բանաստեղծի գրական նախափորձերը սկսվել են 1901 թ. առաջ: Նրա այս շրջանի բանաստեղծությունները անթվակիր են և կատարման ար-

վեստով կասկած չեն հարուցում, որ գրված են 1900 թ. կամ դրանից փոքր-ինչ առաջ:

Ամենայն հավանականությամբ՝ Վարուժանը բանաստեղծական առաջին փորձերը կատարել է Պոլսում, Քաղկեդոնի Մխիթարյան վարժարանում ուսանելու տարիներին (1898—1901): «Ծաղկեփունջ կամ բրգնիկցիի մը նվագները» այսպես է կոչվում նրա բանաստեղծությունների առաջին ձեռագիր ժողովածուն, որ հեղինակը նվիրել է Սեբաստիայի թեմի հոգևոր առաջնորդ Ս. Վ. Հաճյանին. «Այս փնջին ծաղիկներուն մեջ հոգիս ու սիրտս խառնած եմ, ես ծաղիկը շատ կսիրեմ և կուզեմ որ ձոնս ալ ծաղիկ մը ըլլա. չեմ գիտեր՝ թե գարնան այդ վաղաթորշամ ժպիտն ալ դիս կը սիրէ... Մոտայեն (գեղատեսիլ ժողովափրնյա վայր է Պոլսում— Ե. Պ.) ներշնչած երգեցի տխուր և զվարթ, ժպիտով ու արցունքով հոգիս՝ մանուկ զգացումներով, սիրտս ալ անկեղծ սիրով մ'առլեցյալ, երգեցի պահ մը, բայց գրիչս, գիտեմ, չի կրցավ ի հայտ ածել այդ սերն ու զգացումն, զի տակավին թերավարժ է ան, տակավին ձեռքիս մեջ դասագիրքն ունիմ և մատներուս վրա մելանի բիծեր»¹— գրում է պատանի բանաստեղծը ժողովածուի ընծայականում: Սրան հաջորդում է Վարուժանի հայոց լեզվի և գրականության սիրելի ուսուցիչ Արիստակես Քասկանդիլյանի ջերմ առաջաբան-հանձնարարականը. «Պե՞տք է ըսել թե երիտասարդ, բայց խոստմնալից մտքի մը առաջին թերթերն են այս «Ծաղկեփունջը կամ բրգնիկցիի մը նվագները»: Չարհամարհե՛նք: Երկնքի ցուլերուն դեռ քանի մը շողշողուն կաթիլներովը կըզվարթացնեն մեզ, գուշակել կուտա մեզի ապագային ավելի խոր երևակայության մը նվագները:

Քաջալերինք: Թերթեցի զանոնք հաճությամբ և խրախույս ժպիտով մըն է, որ կը գրեմ անոնց համար այս երկու բառս և կհանձնարարիմ ազնիվ ու գթոտ քննադատության— Հ. Ա. Ք.»²:

«Ծաղկեփունջ կամ բրգնիկցիի մը նվագները» ժողովածուն բաղկացած է երկու մասից: Առաջին մասն ընդգրկում է 12 (ԺԲ) երգ-բանաստեղծություն: Ժողովածուի խորագիրը հիանալիորեն արտահայտում է խոստմնալից բանաստեղծի երգած մոտիվները. դրանք սրտաբուխ երգեր են՝ նվիրված ծաղիկներին, բնությանը, գեղեցիկին: Այստեղ Վարուժանը պատանեկան եռանդով, կարծես, մշակել է մի ծաղկաշատ պարտեզ, բուրմունքաշատ ծաղիկների մի գեղեցիկ փունջ և նվիրել ընթերցողին: Մեր միջնադարյան գրեթե բոլոր բանաստեղծների մոտ ծաղիկների գովքը տիրապետող մոտիվ է եղել: Երգել ծաղիկներին, ասել է թե փառաբանել մայր բնությունը, կյանքը, սերը, գեղեցիկը, լավը, վսեմը: Գաղափարական նույն ելակետն է ունեցել նաև Վարուժանը և պատահական չէ, որ նա «Ծաղկեփունջի» ոտանավորները խորագրել է երգ: Ժողովածուն ընդգրկում է «Դափնեփարզ», «Ծուլան», «Նարգես», «Հասմիկ», «Մեխակ», «Անմոռուկ», «Թշվառ լեւակ», «Հակինթ», «Կռվածաղիկ», «Խնձորածաղիկ», «Մանուշակ» երգ-բանաստեղծությունները, որոնք գրված են պատանեկան անկեղծությամբ, սկսնակին բնորոշ լեզվական, տաղաչափական,

¹ Ե. Չարենցի անվան գրականության և արվեստի թանգարան (այսուհետև՝ ԳԱԹ), Դափնեփարուժանի ֆոնդ, թղթապանակ № 1, Հոգվածի բոլոր մեջբերումները այստեղից են:

² Նույն տեղում: Վարուժանը 1902 թ. ցանկացել է «Ծաղկեփունջը» հրատարակել. գրքույկի բոլոր էջերում կա գրաթննության թույլտվության կնիքը: Սակայն նյութական սուղ միջոցները հնարավորություն չեն ընձեռել տպագրության: Այս մասին տե՛ս նաև «Սովետական գրականություն», 1972, № 9:

պատկերավորման և այլ կարգի թերացումներով: Գովերգելով յուրաքանչյուր ծաղկի գեղեցկությունը, Վարուժանը բանաստեղծությունը հարստացրել է իր անձնական խոհերով ու հույզերով: Այս առումով բնորոշ են «Անմոռուկ» և «Մեխակ» երգ-բանաստեղծությունները.

Արշալույսին արտասվաց մեջ
Պանծա՛, ծաղիկդ, ո՛վ անմոռուկ,
Հրեշտակներու դեմքերին պերճ
Ինկած ժրպիտ մ'ես անմեղուկ*:

Աչքերդ բացած ալգուն, ալգուն՝
է՛ր կը շըրջես աստին, անդին,
Սոխակն արդյոք քո անուշ քուն
Խանդարե՞ց իր երգով թրթռուն:

... Ինչպես որ դու անթառամ ես,
Եվ թերթերդ չեն ծերանար,
Սիրտն ալ Անոր՝ միշտ սիրակեղ
Եվ միշտ վառ է, բարեաց ժըրար:

Ես ու եփով աշխատության
Հար տորոբված՝ լավն ու բարին
Խորհե՛, դործե՛, և տըքնի Ան
Ուժովն համայն, մըտքին, կամքին:

«Մաղկեփունջ» բանաստեղծությունների շարքում նկատելի է տենչացող, վշտահար պատանի բանաստեղծի թախծոտ կերպարը: Այս առումով բնորոշ է չքնաղ «Նարգեսին» նվիրված երգի վերջին քառատողը.

... Տենչանքը ոսկեղեն,
Անուրջի մը հուսկեն՝
Որ օր մըն ալ ավա՛ղ,
Պի՛տ թռչնի քեզ պես:

«Մաղկեփունջ կամ բրգնիկցիի մը նվագները» բանաստեղծությունների ժողովածուի երկրորդ մասը սկսվում է «Մայիս» («Արշալույս մը հազիվ բացված») բանաստեղծությամբ, որից հետո ձեռագիրն ընդհատվում է: Սակայն նույն «Մայիս» բանաստեղծությունը գտնուի ենք Վարուժանի դարձյալ անթվա-կիտ բանաստեղծությունների մի այլ շարքում³: Այս փաստն արդեն ապացուցում է, որ մենք գործ ունենք «Մաղկեփունջի» երկրորդ մասի հետ և հաստատում, որ ժողովածուի բոլոր բանաստեղծությունները մեզ հասել են լրիվ: Այս մասը ևս բաղկացած է 12 բանաստեղծությունից և «Սիրտս» նախերգից: Եթե առաջին-մասում բանաստեղծի քնարական հերոսները ծաղիկներ էին, ապա այստեղ մարդն է՝ սիրուհին: «Մաղիկ աղջիկ, կույսին սեր» — ահա ժողովածուի այս բաժնի մոտիվները: Երկրորդ մասը սկսվում է ինքնաբնութագրական «Սիրտս» բանաստեղծությամբ, որը բացահայտում է բանաստեղծի քնարական հե-րոսի հուղաշխարհը:

3 ԳԱԹ, Դանիել Վարուժանի ֆոնդ, Թղթապանակ № 3:

* Բնադրում՝ անմեղուկ:

... Սիրտս է սև նոճեաց լուսնեակը տըխուր՝
Որ աղոտ լույսով կը պըլպլա տոգույն,
Նվ գիտե միայն արտասուքի մեջ լուռ
Գզվե շիրիմներն սըզալ անոնց վրա:

Սիրտըս մատենան մ'է բազմաթերթ, խոշոր,
Որոյ առաջին երեսին վրա ճիշտ
Արյուն-արտսուներով քանդակված է խոր
Կյանքիս այս երկու րառերն Սեր և Վիշտ:

Սիրտըս բընար մ'է, սիրո, սուգի բնա՛ր,
Որ աղեղ լարված՝ միայն կը հեծկրլա,
Անուշ ու զվարթ թրթռալու համար
Ժըպիտ մը, շունչ մը պետք է անոր վրա:

Սիրտի է՝ դալկահար ծաղիկ մը աշնան
Ջոր կույս մը ըրոնած մաաերուն մեջ յուր
Մեծ հաճությամբ մի ո՛հ, կը փեթրե զայն
Ու թերթերն հովին կ'ը հանձնե ի սփյուռ:

«Համբույր մը», «Անցա հազար անդամներ», «Քեզի համար», «Փունջ մը շուշան», «Սիրո արցունքներ», «Բառ մը», «Իղձ» և այլ բանաստեղծություններում երգվում են պատանեկան ամոթխած առաջին սիրո սարսուռները, խինդը, կարոտը, տենչանքը: Բանաստեղծը երգում է ապրված հույզեր և զգացումներ, նրա քնարական հերոսը կենդանի, շոշափելի բնավորություն է: Վարուժանի նշված բանաստեղծությունները աչքի են ընկնում կատարման թեթևությամբ: Նա առանց չիգի պատկերում է քնարական հերոսին համակած նվիրական պահը՝ առաջին համբույրը, սիրո առաջին բառը, արցունքները: Շարքի հաջողված բանաստեղծություններից է «Անցա հազար անգամներ».

Պատահանիդ ես տակեն
Անցա հազար անգամներ,
Հոգիս հույսով մը կայրեր,
Քեզ տեսնելու փափաղեն:

Հոն շերեացար դու բընավ,
Դեղձանիկը կար միայն,
Թովված քեզմե՝ կերպեր ան
Քնարիս հետ, տխուր սևավ...

Օր մ'ալ անցա այդ տեղեն
Ըստվերի պես, կանուխ էր.
Հաղիվ արփույն ճաճանչեր
Կը փըթթեին լուսեղեն:

Նետեցի աչք մը անձկավ,
Հոն էիք գուն նույն օրն այն
Հուրի մը ճիշտ նըման,
Դյուրիչ տեսքով մ'հոգեգրավ:

Տեսածիդ պես զիս մեկեն
Ծածկվեցար անգո՛ւթ սեր,
Վարագույրիդ ժայռակներն
Ա՛խ, բաժնեցին քեզ ինձմեն:

Անկեղծ, ջերմագին սիրո խոստովանանք է «Քեզի համար» քերթվածը, որ, ասես, մերժված սիրո մի տխուր եղևրերգ է.

Իդձերս ամեն, խոստովաներս ալ ճշմարիտ՝
Մեծ հույսով մի ոտքիդ առջև դրրի ես,
Ձի զլացա քեզ՝ ոչ հառաչ, ոչ ժըպիտ,
Բայց ա՛հ, բընավ, յի աննչավ դիւ, սիրտըդ վես:

Քեզի համար նայնիսկ հողիս զոհ ընել
ես ուխտեցի երկնից առջև, աստեղ տակ,
Թույլ չտվիր ինձ՝ քու շունչըդ վայելել
Ձի ճանցար գիւ Լըրհ՝ը, երբե՛ք, ո՛վ հոգեակ...:

Սեր-քընարիս լարերն միայն քեզ համար
Թրթրցուցի, քեզ երդեցի հեծումով,
Ա՛հ, սըփուեցի քղանցքիդ արցունք անհամար
Յույց չի տվեր դու ինձ ոչ դուժ, ոչ գորով:

Դեմքիդ նըման մեղրու նըշույլ դեմ լուսնին
Մենիկ նըստած՝ լացի քանի՛ դիշերներ,
Ի դուժ շարժած կո՛ւլար լուսնակն ալ լըռին
Խոր իբր անդունդ հոգիս միայն ցամքած էր:

Այս ամենուն վըրա, անգութ, չունեցար
Արտասուք մը, բառ մը, ժըպիտ միսկ լըռիկ,
Ձի բացիր ինձ երբեք գիրկըդ սիրավառ.
Ձինկան սըրտես նայվածքըդ խոր թափանցիկ:

Ուրեմն զա՛րկ, սըրտիս խոր քու դաշույն,
Պատո՛ն, ճեղքե՛, բաց ծալքերը Ի կարդա,
Հոն արյունե մեծ տառերով քու անունըդ
Քանդակված է. քեզ սիրելուս լուկ վըկա:

Սիրո և բնության ձոներգեր են «Չքնաղագեղ Շուշանիկ», «Առ Արուսյակ», «Մայիս», «Առ ցողիկն ի վարտի» բանաստեղծությունները: Ջնջումներով, փոփոխություններով և տեղափոխումներով (երբեմն անընթեռնելի) են «Մրմունջներ» խորագրով երեք ոտանավոր, ինքնակենսագրական բնույթի «Ծղբայրներու և քույրերու շիրիմին վրա» ոտանավորը:

«Մաղկեփունջ» բանաստեղծությունների շարքը աչքի է ընկնում հստակ, մաքուր լեզվով, բանաստեղծական այլ և այլ ձևերի (համեմատություն, դիմադնություն, երկխոսություն) առկայությամբ, որոնք բացահայտում են հեղինակի ստեղծագործական ակնհայտ շնորհքը, խոստովանալից ապագան: Այգուհանդերձ, «Մաղկեփունջը» զերծ չէ գաղափարական-գեղարվեստական թերություններից, որոնք պայմանավորված են Վարուժանի ապրած ժամանակաշրջանով, միջավայրով, ինչպես նաև նրա պատանի հասակով ու դաստիարակությամբ: Այսպես, «Հասմիկ», «Կովածաղիկ» բանաստեղծություններում արտահայտված են հեղինակի կրոնական նախապաշարումները: Ժողովածուի որոշ բանաստեղծություններ էլ տառապում են ձգձգվածությամբ («Թշվառ լելակ»), տաղաչափական պարզունակությամբ («Կովածաղիկ») և այլն: Թերություններ, որոնք բանաստեղծի մտավոր, ստեղծագործական հասունությամբ աստիճանաբար հաղթահարվում են, որը նկատելի է անգամ ժողովածուի առաջին և երկրորդ մասերը համեմատելիս:

Այսպիսով, մինչև «Սարսուռների» հրապարակ գալը (1906 թ.) Վարուժանը անցել է ստեղծագործական մի հետաքրքրական և ուրույն ճանապարհ, որի հաստատումն է «Մաղկեփունչ կամ ըրգնիկցիի մը նվագները» ժողովածուն:

ПЕРВЫЙ НЕОПУБЛИКОВАННЫЙ СБОРНИК СТИХОВ ДАНИЭЛА ВАРУЖАНА

Е. М. ПЕТРОСЯН

Доктор филологических наук

Резюме

Отсутствие архива Д. Варужана до сих пор нам не давало возможности иметь ясное представление о раннем периоде творчества поэта. В 1963 г. Музей литературы и искусства им. Чаренца получил из Нью-Йорка богатый архив Д. Варужана, который наряду с другими материалами содержит также неопубликованный сборник стихов «Փափկաբույս» («Букет»), написанный им в школьные годы (1898—1901 гг.). Сборник состоит из двух частей, каждая из которых охватывает 12 стихотворений. Стихи первой части посвящены воспеванию природы, цветов, вторая же часть сборника в основном включает в себя лирические песни о любви.